

Sel Prestuhn
Dieter F. Uchtdorf

Mwet in Kahsrh Ahkluo ke
Prestuhnsi Se Met



Sie Kahs nuh sin Misineri Tahfuh Luo

Ma kunen mwet tuhma lutlut luhn Jisus Kraist pacl nuh kwewa in us wosasuc Lal nuh fin facluh (liye Mark 16:15–16). Tuhsruhktuh, kuhtuh pacl uh upac in ikacslah inwaculhsr ac sramsramkihn luhlalhfongi lasr nuh sin mwet rauni kuhtlac uh. Ke kuhtuh mempucr ke Alu uh oasr mwe sang se la in sramsram nuh sin mwet sahyac uh ke alu, kuhtuh ac luhman tahfuh luo kuh ake kac, mwekihn, kuh finne sahngweng in oruh.

Ke srihpac sacn, nga luhngse fahk ahkosr ma ma kuhtwena mwet kuh in oruh in ukwe kuh luhn Mwet Lahngo in fahkwack wosasuc “nuh sin mwet nuh kwewa” (D&C 58:64).

Oruh sie Kahlwem

Sie fahk pahiyuck kwacna tuhkuh nuh sin St. Francis fin acn Assisi rityuck, “Fahkwack wosasuc ke pacl nuh kwewa ac fin kuh, orekmakihn kahs.”¹ Tiac fwackyuck ke fahk soko inge pa etuh se ma kwacna luti ma kuh emet tiac sruhmuhnyuck.

Ke oasr suwohs lasr ac moulkihn wo ke ohiyac lasr uh, mwet uh akihlen. Ke kuht ahkkahlwemye pwacr ac engan uh, elos akihlen yohk liki.

Mwet nuh kwewa luhngse in engan. Ke kuht mempucr ke Alu uh ahkkahlwemye kahlwem ke wosasuc uh, mwet uh kuh in liye engan lasr ac puhla ke luhngse luhn God nwacnwaclah ac kahkkahk ke moul lasr uh.

Elos luhngse in etuh lah efuh. Elos ke etuh lah kuht oruh fuhkah.

Ma oruh elos in siyuck kihsen siyuck ma oacna “Efuh kom arlac engan?” kuh “Efuh kuh oasr kain atac wowo se ingacn lom pacl nuh kwewa?” Top nuh ke kihsen siyuck inge, pwacyena, kol suwohs nuh ke sie sramsram ke wosasuc fohlohkyak luhn Jisus Kraist.

Oruh Kom In Luhngse Sramsram

Sramsramkihn sifac ke alu uh—yohkna nuh sin kawuck lasr ac mwet kuht luhngse uh—kuh in tuhfal-kihnyuck ac upac. Tiac enenuh in ohingacn. Sruhmuhn ma puhlakihnyuck ke nguhn kuh sramsram ke mukwi-kwi ke Alu uh kuh ma sikyak ke sramsram fal uh kuh in fihswacsr ac wo kuht fin orekmakihn kihtin puhlaik ac nuhnak.

Muhtwacn kiyuck, Harriet, el sie mwe srihkasrak na wowo ke ma inge. Ke kuht muhta fin acn Germany, el kuh in sokwack sie inkacnek in sramsramkihn sifac kuhpahsr nuh ke Alu uh nuh ke sramsram lal yurin kawuck ac mwet aetuih uh. Nuh ke mwe srihkasrak, ke sie mwet siyuck ke kapihn wik lal an, el ac fahk, “Sacnri se inge oasr sie puhlakihn na wowo lasr lun lohm alu lasr ah! Sie tuhlihk mukul fuhsr matwac-yac-16 oruh sie sramsram na kahto ye muhtuhn mwet 200 ke alu lasr ah ke moulkihn sie moul nwacsnwacs.” Kuh, “Nga lotwelah ke sie muhtwacn mahtuh matwac-yac-90 suc otwelah

plwacngkiht puhs liki 500 ac sang nuh ke proqram in kahsrh luhn Alu ah in suhpweyucklac nuh yurin mwet enenuh nuh kwewa fin facluh.”

Puhs likina in tiac, mwet suc lohng ma inge luhngse in etuh yohk liki. Elos siyuck kihsen siyuck uh. Ac oruh sac kol nuh ke pacl wowo in sramsramkihn wosasuc uh ke sie atac fal, luhlalhfongi, ac tiac suhfal.

Ke muhtwacwacackiyacn Internet ac ohiyac luhn media, fihsrwacsr uh mihsenge in sramsramkihn ma inge ke atacn sramsram likina met ah. Ma na kuht enenuh uh pa puhlaik in oruh oacna.

Oruh In Sesseslah ke Pahkotwen

Koluk ohiyac, arlac fihsrwacsr in tiac ainsesei. Kwacna sikyak oruh kuht akuhkuhin, srihkkihn, ac ahkkoluk. Ke kuht foloyak, kasrkuhsrak, kuh ngalyak sin mwet uh, ma sahflah se elos luhngse uh pa in lutlut kacsr yohk likina met ah. Tiacna kuh in etuh lah mwet ekahsr som liki Alu uh kuh tiac welah ke srihpen sie mwet fahk kuhtuh ma ma ahkngalyactahl kuh ahkkolukyactahl.

Arlac yohk seahkfuhlwact fin facluh mihsenge. Ke srihpen wihklac luhn Internet uh, fihsrwacsri likina met ah in fahk mwe ahkngal kuh ahkkoluk uh. Yac tiac enenuh kuht, mwet tuhma lutlut yohk finsrak la luhn Kraist lasr, in eis sie atac fuhlwact, ac luhng kuhlwacng? Ma suhmuhslah uh luti, “Pacl nuh kwewa kowos in oruh sramsram lowos nuh selos in ahkinsewowoyaclos, ac mwe pihrakwack nuhnak lalos, ac kowos in ahkolah in topuk kuhtwena mwe siyuck lalos ke top fal ac suwohs” (Colossians 4:6).

Nga luhngse nuhnak ke kahs lasr uh nwacsnwacs oacna pe kuhsra kahlwem ac sesseslah ke kuhlwacng. Yac kom kuh in nuhnkuh ma sucu lasr, ward, muhtuhn-facl, ac finne facluh ac oacna kuht fin kuh in kapsra ip yohk fihsrwacsr inge?

Oruh In Sesseslah ke Luhlalhfongi

Kuhtuh pacl uh kuht eis nuh facsr sifacna yohklaclac kuh nuhnkuh yohklac ke ac tuhkuh nuh sin mwet sahyac insese ke wosasuc uh. Arulacna yohk srihpac in esam lah Leum el tiacna motko kuht in oruh eklac uh.

Eklac uh tuhkuh tiac ke kahs lasr uh tuhsruhke luti inkuhsrao luhn Nguhn Muhtahl. Kuhtuh pacl uh oruh nuh kac uh pa sie pohloh kahs ke fahkwack

luhlalhfongi lasr kuh ke sie puhlakihn in muhtwacwacack fihsrwacsr luhn sie inse ke ikacslah luhn sie sruhnguhl ma kuh in kol mwet sahyac in puhlakihn ma pwacye ke pihrihkyuck luhn Nguhn.

Prestuhn Brigham Young (1801–77) el fahk lah el etuh lah wosasuc uh pwacye ke el “liyacack sie mukul suhpah in kacs, kuh wacngihn talan in sramsram ye muhtuhn mwet, suc kuh in fahk muhkwen, ‘Nga etuh, ke kuh luhn Nguhn Muhtahl, lah Puk luhn Mormon pwacye, lah Joseph Smith el sie Mwet Pahluh luhn Leum.’” Prestuhn Young el fahk lah ke el lohng fahkwack luhlalhfongi puhsisac sac, “Nguhn Muhtahl sikyak yurin mwet sac ahkkahlwemye etwacack, ac kahlwem, wolacna luhk, ac moul kawihl uh ye muhtuhk.”²

Tamuhlwel ac tahmtahel, eis luhlalhfongi. Leum el kuh in ahkyohkye kahs kowos sruhmuhn an ac oruh elos in fokoko. God el tiacna siyuck suwos in ekuhl-lah tuhsruhke in ikacslah inwaculum. Orekma in ikihl uh tiacna ma lowos—ma luhn mwet ma lohng ac nuh sin Nguhn Muhtahl.

Mempucr Nuh Kwewa Misineri

Kawuck sacohk luhk, mihsenge oasr inkacnek puhkantwen nuh sesr in ikacslah inwaculuhsr ac akacsruhi yurin mwet sahyac uh pweng engan ke wosasuc luhn Jisus Kraist. Oasr sie inkacnek nuh sin mwet nuh kwewa—finne misineri tahfuh luo se—in wi orekma yohk se inge. Kuht kais sie kuh in sokwack sie inkacnek in orekmakihn talan ac kena lasr sifacna in ahkkweye orekma yohk sacn ke nwacklah facluh ke kahlwem ac ma pwacye. Ke kuht oruh ohinge uh, kuht fah sokwack engan ma tuhkuh yurin mwet ma yohk luhlalhfongi la ac puhlaik fal “in tu oacna mwet lohoh luhn God ke pacl nuh kwewa” (Mosiah 18:9).

MWE KAHSRUH

1. St. Francis of Assisi, ke William Fay and Linda Evans Shepherd, *Share Jesus without Fear* (1999), 22.
2. *Teachings of Presidents of the Church: Brigham Young* (1997), 67.

LUTI KE PWENG SE INGE

Sie inkacnek wo in luti pa in “ahkkweye mwet kom luti an in orwacalah . . . finsrak ma kuh in kahsrwelos moulkihn ip yohk kom luti an” (*Teaching, No Greater Call* [1999], 159). Nuhnkuh in sulih mwet kom luti an in

pruhe in orwacrah sie finsrak in akacsruhi ke wosasuc uh yurin sie kuh mwet puhs ke mahlwem se inge. Pah-pah ninac an kuh in sramsramkihn inkacnek ma tuhlihk fuhsr an kuh in kahsrh uh. Kom kuh pac in kahsrh mwet ke sucu an in sokwack kuh srihke atacn inkacnek in sramsramkihn wosasuc uh ke oacna sie sramsram ac nuhnuh ke mukwikwi luhn Alu ma ac orek ma elos kuh in suli sie kawuck an.

MWET FUHSR

Akacsruhi yurin sie Kawuck

Sel Adriana Vásquez

Sie lwen ah ke nga lutlut nuh ke sie kuhlals luhn seminary, oasr sie puhla na kahto ac siena luhk. Ke nga ritwelah lesin sac nuh ke lwen tok ah, nga liyacack muhtuhn sie kawuck ke lutlut ah ac eis puhla na fokoko se lah nga enenuh in akacsruhi ke fahkwack luhlahlfo-
ngi luhk nuh sel.

Fihswacsr in liye mokleyuck inge tuhsruhk, nga sahngweng. Nga elyah lah kawuck luhk ah ac sruhngwac-yuc, yohkna ke srihpen el tiacna atacn kain in tuhlihk muhtwacn se ma ac luhngse in welah Alu uh.

Nga esamwack sie sramsram sel Tahmtahel Mary N. Cook ke prestuhnsi luhlahp luhn Muhtwacn Fuhsr ma el srihke kuht in orekma upac ac oruh in suwohs uh.¹ Nga ke oruh oacna inge, oruh nga suhmuhslah lwacta se nuh sin tuhlihk muhtwacn se inge ac fahkwack ke ma pwacye luhn Alu uh ac ke luhngse luhk nuh ke Puk luhn Mormon. Lwen tok ah nga pahtokwacng sie kapi ke

Puk luhn Mormon, wi lwacta se luhk ah, nuh lun pack lal ah.

Ke lut luhk, kawuck se luhk ah arulacna etuh ke wosasuc uh. Muhtwacwacack ke lwen sac, el ac fahk nuh sihk ke ma el lotwelah ke lutlut lal ke Puk luhn Mormon ah. Wik ekahsr tohkoh, nga ahkuhtwelyac nuh sin misineri ac. Apkuhran in sana, el eis sie ahkkweyeyuck sin Nguhn Muhtahl lah ma el lutlut kac ah pwacye. Nga ac misineri ac tuhngyak ke el fahk nuh sesr ke puhla lal an. Kawuck se luhk ah pacptaislac pacl na sa, ac pahpah ninac kiyacl ah lut in liye eklac ma sikyak kacn an.

Nga arlac engan lah nga kuh in kuhtanglah sahngweng luhk uh ac kahsrh sang wosasuc nuh ke mou lal.

MWE KAHSRUH

1. Liye Mary N. Cook, "Never, Never, Never Give Up!" *Liahona*, May 2010, 117–19.

TUHLIHK SRIHSRIHK

Nga Kuh In Oruh sie Kahlwem nuh sin Mwet Sahyac uh

Prestuhn Uchtdorf el fahk lah in oruh sie kahlwem nuh sin mwet sahyac uh, kahs lasr uh enenuh in "kahlwem oacna sie pe kuhsra kahlwem ac sesseslah ke pahkotwen." Kahs lasr uh enenuh in engan, pwacye, ac kuhlwacng. Meac kom kuh in oruh kuh fahk in oruh sie kahlwem nuh sin mwet sahyac uh? Kom kuh in suhmuhslah ke mwe sihm nuhtuwos limekohsr ma wo kom plwacni in fahk nuh sin sie mwet ke sucu kuh kawuck an.



Eklac nuh sin Leum

Lutlukihn kuhfa inge ac, ke pacl fal, sramsramkihn yurin tahmtahel ma kowos muh-twacta nuh yohroh an. Orekmakihn kihsen siyuck an in kahsrwe kowos ahkkweye tahmtahel wiyowos an ac in oruh Rilif Sosaiti in ip utuftuf se ke moul lowos sifacna an. Nuh ke kuhtuh pac ma in etuh, som nuh ke www.reliefsociety.lds.org.

Luhlahlfongi, Sucu, Kahsrh

Tahmtahel sasuc ke Alu uh— weacng Muhtwacn Fuhsr welah Rilif Sosaiti, tahmtahel ma fohlohkoh nuh ke mukwikwi, ac mwet etahwi sasuc an—enenuh ahkkweye ac akawucki luhn mwet forfor luti an. “Wi luhn mempucr pa yohk srihpac emet in ekuhl-lah mwet muhtana ac in fohloh-kohnma mempucr suhwac alu in fokokoi,” Elder M. Russell Ballard ke U luhn Mwet Sap Singucul Luo el fahk. “Sruokyac aruhruhma se ma Rilif Sosaiti . . . kuh in eklac [sie sin] mwe kahsrh ke akwucki fokoko emet lasr ke Alu uh. Sap-lakyang nuh selos suc lutiyuck ac sifil fohlohk, ac luhngse elos nuh ke Alu uh ke u lowos an.”¹

In oacna mempucr ke Rilif Sosaiti, kuht kuh in kahsrh mempucr sasuc uh in luti ahkpah fihswacsr ke Alu uh, ma oacna:

- Oruh sie sramsram.
- Oruh fahkwack luhlahlfongi la.
- Moulkihn masap ke lalo.
- Moli sie tahfuh singucul ac mwe sang sahyac an.
- Wi orekma ke sramsram mahtuh luhn sucu.
- Oruh pacptais ac ahkkweyeyuck nuh sin mwet mahtuh misac lalos an.

“Ac oruh sie kawuck lohacng in oruh mempucr sasuc an in puhla wo ac painyuck ke alu ah,” Elder Ballard el fahk.² Kuht nuh kwewa, tuhsruh yohkna mwet forfor luti an, oasr kunohkohn yohk srihpac la in orwacnah akawucki uh yurin mempucr sasuc uh ke sie inkacnek in kahsrwelos in kuh ke “eklac nuh sin Leum uh” (Alma 23:6).

Ke Ma Suhmuhsrah uh

2 Nephi 31:19–20; Moroni 6:4

Ke Sramsram Mahtuh Lasr

“Ke pihsen mwet eklac uh yohkwelihk pacl nuh kwewa,” Prestuhn Gordon B. Hinckley (1910–2008) el fahk, “kuht enenuh in orwacnah sie kuh yohk srihpac in kahsrwelos ke elos sokwack inkacnek lalos uh. Mwet nuh kwewa selos enenuh ma tolu: sie kawuck, sie kunohkohn, ac ahkkweye ke ‘kajs wo luhn God’ (Moroni 6:4).”³

Mwet forfor luti uh oasr ke sie acn in kahsrh mwet elos karihngihn uh. Akawucki uh kwacna tuhkuh met, oacna ke sikyak nuh sin sie tahmtahel fuhsr ke Rilif Sosaiti suc pa mwet forfor luti luhn sie tahmtahel mahtuh.

Elos suhmuhi in muhsahelah sie akawucki nuh ke elos tuhkweni orekma ke sie mukwikwi in ahknwacsnwacs. Elos kawuckyak, ac ke elos sramsramkihn Pweng luhn Mwet Forfor Luti uh, elos kewanah ahkkweyeyuck ke “kajs wo luhn God.”

Prestuhn Joseph Fielding Smith (1876–1972) el fahk lah Rilif Sosaiti “pa sie ip yohk srihpac ke tohkohsrahi luhn God fin facluh ac . . . kahsrh mempucr yohk luhlahlfongi la in eis moul ma pahtpaht ke tohkohsrahi luhn Pahpah tuhmasr.”⁴

MWE KAHSRH

1. M. Russell Ballard, “Members Are the Key,” *Liahona*, Sept. 2000, 18.
2. M. Russell Ballard, *Liahona*, Sept. 2000, 17.
3. Gordon B. Hinckley, “Every Convert Is Precious,” *Liahona*, Feb. 1999, 9.
4. Joseph Fielding Smith, ke *Daughters in My Kingdom: The History and Work of Relief Society* (2011), 97.

Meac Nga Kuh In Oruh Uh?

1. Yac nga pruhe ke wiyuc uh ac siyuck tuh Nguhn in fah kol kuht ke kuht luti tahmtahel wiyacsr uh?

2. Inkacnek fuhkah ma kuht kuhlwacsapuh kais sie tahmtahel ma kuht karihngihn uh elan etuh lah kuht luhngse el?